


ficientia , eorum & ectypa depicta , & quæ recondunt , mysteria perspeximus . Quam belle , quam ubertim hæc erudiunt : quam oppido & Augustorum Gloriam , & Reipublicæ Romanæ Arcana , Numorumque tandem Utilitatemi multo maximam demonstrant . *TULL.* Id vero ut faciant , tamen hæc nosceres , imo & ego tecum , quod dixi , viro Illustrissimo , Magistro nostro , debes unice . Cum ipsum aliquando accedere , ipsum evolvere poteris , tum primum incomparabilem ejus , sive industriam in conquirenda , sive dexteritatem in applicanda , ad Numos luce clarissima perfundendos , omni Antiquitate , summo cum stupore admiraberis .



DIALOGUS XVII.

De

Munificentia LVDORVM , & præcipue de VENATIONE , ac LVDIS SECVLARIBVS .

PUBLIUS.

Quæ nova se pandit in residuis Tabulæ tuæ Væ . Numis Ludorum scena , perjuncti aliquid ipso mihi nomine spondet . I.

TULL. Pertexenda nobis est tela , quam haec tenus de *Augustorum* in Rempublicam *Beneficentia* jam dudum versamus . De Spectaculis quippe ac ludis , duorum duntaxat numorum lustratione , hodie initium facturi , ignorare ante omnia non debemus , hujusmodi a *Tullio* , propterea , quod in gratiam plebis sumtuosissimo apparatu a Principibus fierent , ac fere semper *Misilium* , ac *Congiariorum Liberalitate* Cicer. Off. stiparentur , MVNERVM LARGITIONEM , a *Capitulino* vero INDVLGEN- cior. L. II. TIAM appellari . Alio nomine usus *Suetonius* , ita de *Tito* scribebat : *Capitol. in Et tamen nemine ante se MVNIFI CENTIA minor* , *Amphitheatro dedicato* , Anton. Pie. Thermisque juxta celeriter exstructis , MVNVS edidit apparatussum , largis- c. 10. sumque . Dedit & navale prælium in veteri Naumachia : ibidem & gladiato- Sueton. in res : atque uno die quinque millia omne genus ferarum . Vides ergo , ludos , atque spectacula , recte a me inter Beneficia , partesque Liberalitatis Au- Tito. c. 7. gustæ adnumerari : quoniam & cum Muneribus conjuncta fuerant , & Lar-

Pers II.

T

gi-

gitionis, Indulgentiae, Munificentiae, nominibus apud veteres descripta sunt: quorum postremum deinceps in numis etiam leges.

II. Roma porro inter *Ludos* adolevit, Maxime varios eos, atque ab Antiquissimis temporibus per Prætores Urbanos, atque Ædiles curules, quotannis, & quam sœpius editos: quorum alii *Votivi*, Stati alii, alii *Extra ordinem* erant. *Votivos* dixere, qui in Deorum Dearumque honorem, prævio auspicio, atque concepto deinde voto, & edito Senatus Consulto, victoriæ adipiscendæ, vel alterius Beneficii obtinendi, sive averruncandæ i. e. avertendæ præsentis cujuspiam calamitatis causa subinde edebantur. *Statos* appellabant, qui quotannis, ac perpetuo, certisque semper diebus, atque conceptis ritibus facti sunt, præconis vocē prævie indicti, omni populo stipem conferente, & ad eos agendos concurren-te, ut Dii vel propitii manerent, vel irati placarentur. Atque horum statorum Ludorum causa, e superstitione Sacerdotum, maxime ob veteris

Liv. *L. XXV.* cujusdam *Marcii* carmen, pervagata est in omnem Populum sacrosancta c. 12. opinio, in iis rite celebrandis Urbis Populique Romani & salutem, &

Cicer. Ver- victoriam de hostibus verti. Unde & *Livius* ait: *LVDORVM primum* *rinar. V.* *initium procurandis Religionibus datum.* Religiosissime vero *Cicero* dixit:

c. 14. *Nunc sum designatus AEDILIS: habeo rationem, quid a populo Romano acceperim: mihi LUDOS SANCTISSIMOS maxima cum Cerimonia Cereri, Libero, Liberæque faciundos: mihi Floram Matrem populo Plebique Romanæ Ludorum Celebritate placandam: mihi Ludos Antiquissimos, qui Primi Romani sunt nominati, maxima cum dignitate ac Religione, Jovi Junoni, Mnervæque esse faciundos.* Quantam non hæc verba Religionem afflant? Verumtamen brevi in hanc qualecumque Religiositatem vanitas, & vitium irrepsit. Eorum quippe, qui *Ludos* ediderunt, ambitione, summaque opum prodigalitate, populi vero spectantis incredibili novorum cupidine, brevi effectum est, ut summi viri ad pauperiem redigerentur: neque tandem reperiret Respublica, qui Æditatatem Curulem, ad quam *Ludi* pertinere, querere auderent. Unde Imperatorum nonnulli plures *Ludos* inhibere, in aliis immodicos vetare sumtus, ad quosdam autem iis, qui eos facturi erant, ipsi impensas præbere cogebantur.

III.

PUB. Memini, de hoc in *Exercit. Proem. Dial XII. n. 8.* te mihi jam nonnulla, peculiariter vero de *Ludis Apollinaribus* dixisse.

TULL. Gaudeo, te eorum opportune reminisci. Nobis etenim deinceps spectandi potissimum erunt in numis *Ludi extra ordinem* facti, cum Au-

gustis variis commoda nasceretur occasio, vel ultro demum collibuit, præ-

ter

ter solitum *Munificos* esse. Nolui tamen Denarium tuum præterire, quin eum primo loco depingerem, qui *Venationem*, certum quoque Ludorum genus, Apollinaribus Ludis, post circenses, atque scenicos, conjungi solitum, tibi ob aculos fistit. Præibant nimirum, ac veluti prima Ludorum Apollinarium scena erant Equestres, seu curules Ludi, bigis, trigis, quadrigis, vel celetibus, seu equis celeribus facti in circo inde dicti *Circenses*. Sequebantur Ludi *Scenici* in *Theatro*. Ultimo exhibebatur *Venatio*, æque in circo instituta, sed ita adornato, per arbores, ubertim e sylvis unacum radicibus effossas, & iterum in circo defossas, ut sylvæ speciem præberet: donec postea pro *Venatione* *Theatra*, & *Amphitheatra* aptata sint.

Probe tamen ut notes velim, duplex *Venationis* genus adhibitum: ludicum unum, alterum cruentum. In primo circus, uti dictum, in sylvæ morem, totus virescebat: ubi, veluti in saltu, ingens ferarum sylvestrium innoxiarum copia dimissa, puta cervorum, damarum, leporum, cuniculorum: & data insuper populo facultas, velut in sylva *P.l. p.701* venandi, quantumque quis deprehendere posset, secum asportandi. Qui *seq.* bus porro venandi, aut locus præ turba, aut animus non erat, in eos *M. filia*, seu schedulæ, aut laminæ tesserariæ spargebantur, inscriptis ferarum nominibus. Qui ergo v. c. schedam cum voce *lepus* occupasset, finita *Venatione* ad Editorem Ludi accedens, tantum pecuniaæ, quantum lepus Romæ valuit, reportavit. Utilis hæc & jucunda simul, præterea vero, *Ovid Me-* quod facile colliges, ingentis pretii *Liberalitas*. De circo sic in syl-*tam. L.XI* vam migrante cecinit *Ovidius*. *25.*

Agmenque ferarum
Mænades Orphei titulum rapuere THEATRI.

Non paulo autem prodigalius erat alterum *Venationis* genus, dum *Ludorum* celebritas ac omnium gentium bestiis, per mare, per terras conquisatis, accersebatur: unde tamen utilitatis nihil in spectantes derivatum est. Quanta hic perfusio, quam ambitionis solicitude fuerit, vel *Symmach.* adhuc *Theodosii M. ætate*: disce ex *Symmacho* ita amicis, dum filius *L. XI.* suis Præturæ Urbanæ honorem initurus esset, perscribente. *LVDOS Ep. 119* *PRAETORIOS* præparamus, quorum *Ornatus ANIMALIA PEREGRI-* *Id. ibid.* *NA* desiderat: ut novo cultu Romana splendescat *Editio*. Et iterum: *PRAE-* *Ep. 126.* *TVRA* Donum novum, Deo juvante, exspectat: in qua me Crocodilos, &

Claudian. plerque peregrina civibus exhibere, & aliorum hortantur exempla, & pro de Consul. pria compellit animositas. Ut adeo Claudianus, quantumvis alias Poetæ Mall. summa sit licentia, nimius tamen fuisse haud videatur, optans Mallio Theod. Theodoro Consulatum ineunti:
v. 306.

Quidquid monstrieris nutrit Getulia campis.
Alpina quidquid tegitur nive: Gallica quidquid
Sylva timet, jaceat: largo ditescat arena
Sanguine: CONSUMANT TOTOS SPECTACV.
LA MONTES.

V. PVB. Quid porro aëtum his bestiis undique advocatis? *TULL.*
Patin. Fam. Primum quidem, sese inter ut pugnarent, institutum. Unde ex-
p. 102. stat in gente Durmia apud Cl. *Patinum* denarius *M. Durmii* Triumviri, hinc cum Capite *Augusti*, inde cum Leone cervum suffocante, hujusmodi cruentæ venationis, ab *Augusto* secularibus in ludis exhibitæ, specimen. Mox vero ad homines ventum, qui cam bestiis congrederentur, inde *Bestiarii* dicti. Et erant quidem, qui mercede maxima conduci se finerent, huicque tam ancipiti pugnæ multa se industria ante aptarent: de quibus *Juris Consultus*. Quid enim turpius esse potest iis, qui se, ob alienæ ut *Firmicus* ait, gratiæ voluntatem nundinatos, sanguinis jactura *AD MORTIS SPECTACVLVM VENDVNT?* Fuere præterea alii, ambitione immodica fascinati, qui virium duitaxat suarum experiundarum causa, captandæque laudis ergo, ultro se obtulerunt, nullo alio præmio, nisi quod *Audacium* nomine insignirentur. Quo rursum *Claudianus* *Claud. unde supra v. 292.* alludit, canens:

AMPHITHEATRALI faveat Latonia POMPAE.
AVDACES legat ipsa viros, qui colla ferarum
Arte ligent, certoque premant venabula nisu.

Plerumque vero, qui capitibus rei erant, ad bestias damnati, servatique, *Plin. Paneg.* crudelem hanc voluptatem oculis intuentium præbere coacti sunt. Tuer-
c. 33. tur quidem id *Plinius*, dum insit: *Visum est spectaculum* inde non enerve & fluxum - - sed quod ad pulchra vulnera, contemnique mortis accenderet: cum in servorum etiam, *NOXIORMque* Corporibus amor laudis, & cupi-
Cicer. Fa- do victorie cerneretur. Contra vero *Cicero* sensit, & scripsit alicubi: *Re-*
mil. L. lique sunt *VENATIONES* binæ, magnifice, nemo negat. Sed quæ potest
VII. Ep. I. esse

esse homini politico deleclatio , cum aut homo imbecillis a valentissima bestia laniatur , aut præclara bestia venabulo transverberatur ?

Posteaquam deinde cœpta sub *Nerone* Fidelium persecutio , iterum iterumque furere consuevit , nihil frequentius illo frementis populi complausu : *Christiani ad leones* : *Christiani ad bestias*. Hos , armis omnibus non solum vacuos , quæ tamen fontibus aliis dabantur , sed ad palum insuper alligatos , non quomodo pugnarent , sed quomodo bestiarum lacerarentur dentibus , populus ut ludum jucundissimum spectabat . Sic Sancti DEI Homines vere *SPECTACVLVM* facti sunt *DEO , Angelis , & hominibus* , quod ait *Apostolus* :

VI.

Seu fortis præbenda cervix ad bipennem publicam ,
Verberum post vim crepantum , post catastas :
Sive PARDIS OFFERENDVM PECTVS , AT-
QVE LEONIBVS :

Uti *Aurelius Prudentius Christianus Poeta* cecinerat . PUB. O Ludum , *Prudent.*
uti per bestias actum , ita bestiis magis quam hominibus dignum ! Sed *Perife-*
cæci erant . Tu si lubet , jam numum mihi percense , qui e *Consula-*
phæn. L. I. *rium* numero est . TULL. Pertinet ille ad Familiam *Livineiam* estque *v. 55.*
Luc. Livineii , *Reguli filii* : qui sub *Augusto* Triumvir eudendæ Monetæ *Tab. V.* Nu. *IX.*
extitit : senatu autem motus est . Quod parte anteriore adstat , Caput , nullo
penitus ornatu , nullo nomine , vel titulo , Cl. *Patinus* apud *Ursinum* citra du- *Patin. Fa-*
biūm exhibere afferit *Lucium Livineium Regulum* patrem , qui *Ædilis curulis* , *mil. p. 156.*
Prætor , ac Præfectus Urbis fuerat . *Aversam* hic pictam ipse enarra .

PUB. *Venationem* , puto , eamque cruentam exhibet , non ludicram .
Geminos namque *Bestiarios* video , sive mercede illi conducti fuerint , si-
ve *Audacium* e numero solius gloriæ ergo hanc arenam ingressi , sive *ad*
bestias *damnati* existant . Quorum anterior galeatus , leoni in se irruenti
telum opponit : alter etiam Parma provisus adversus tigridem pugnat .
Pone bestia alia , quasi iam lethaliter saucia , residet , vel omnino mor-
tua procumbit . Infra scribitur : *Lucius REGVLVS* : ubi *Livineius*
subaudiendum reor . TULL. Sic habent omnia . Dedit porro hanc *Ve-*
nationem cum feris , uti & aliam cum mansuetis animalibus , *Livineius Re-*
gulus pater , quia Prætor erat , sesquiseculo ante *Jul. Cesarem* ipsis in
Ludis Apollinaribus : uti *Ill. Spanhemius* ex hoc , quem pariter pingit ,

VII.

Spanhem. & altero nummo , in cuius Aversa solus Taurus sine pugile visitur, demonstrat contra eos , qui existimabant , Jul. *Cesarem* omnium primum
Tom. II. Taurorum Venationem , *Taurilia* dictam dedisse. Id quod verum est,
p. 137. si modus spectetur Thessalicæ cum tauris pugnæ , quem primum *Ju-*
Liv. *lius* adhibuit. Alias vero jam *Livius* scriperat , agens de Votivis Lu-
L. dis , a Marco Fulvio ob bellum ætolicum feliciter consecutum in Urbe
XXXIX. editis. Per eos dies , quibus hæc ex Hispania nuntiata sunt , Ludi *TAV-*
c. 22. *RILIA* per biduum facti Religionis causa. Per dies decem apparatus deinde
Ludos M. FVLVIVS, quos roverat ætolo belli , fecit. Multi artifices
ex Græcia venerant , honoris ejus causa , Athletarum quoque Certamen tum pri-
mo Romanis spectaculo fuit : & *VENATIO DATA LEONVM ET PAN-*
THERARVM , & prope hujus Seculi copia ac varietate (i. e. omnibus
fere , ac omnis generis , quæ tunc extiterant , bestiis) celebratum est.

VIII. PUB. Alter apud me Denarius & Familiarum , & Augustorum nu-
Tab. mis inseri potest : cuius *Adversa* Capite *Augusti* laureato radiat , cum
Num. X. titulis : *AVGVSTVS TR.ribun. POT.estate. VII.timum.* In *Aversa* stat
Columna , vel certe Basis Columnæ quadrata , cui inscriptum : **IMP.**
CAES. **AVG.** **LVD.** **SAEC.** Pone : **XV.** **S.** **F.** Quæ legenda , ni
fallor : **IMP.eratore.** **CAES.are.** **AVG.usto.** **LVD.i** **SAEC.ulares.** **XV.**
Quindecimviro. **S.acrorum.** **F.aciundorum.** Circum scribitur : **L.uciis**
MESCINIVS. **RVFVS.** **IIIIVIR** : i. e. *Triumvir* , nempe Monetales.
TULL. Nequaquam Apollo tibi lœvus insonuit : sic legi omnia convenit. **PUB.**
Quomodo vero rite accipiam singula ? multæ hic puto , eruditæque
commentationi est locus. **TULL.** Primum est , quod te commoneam ,
tuum hunc numum ceu Denarium pariter in collectione *Ursini* per **Cl.**
Patin. Fa- **Patinum** recognita , apparere : similiter autem ex auro depictum exstare
mil. p. 174. per *Æneam Vicun* in collectione Com. *Zantani*. Hic porro in indice suo
Zant. lit. *L.* voce *L. Mescinius* putabat , sed plane perperam , duos hic Magi-
XII. stratus describi , videlicet *L. Mescinium* *Quindecimvirum* *sacris faciundis*,
Cæsi. Aug. stratus describi , videlicet *L. Mescinium* *Quindecimvirum* *sacris faciundis*,
Aur. 4. & *Rufum Triumvirum* *Monetalem*. Constat vero ex *Cl. Ursino* , unum
eundemque esse , qui *L. Mescinius Rufi* nomina simul tulerit , quemque
Cicero , Proconsulis in Cilicia magistratum gerens , Quæstorem sibi suis-
se afferit : & ad quem scripsit Epistolam XX. & XXI. Libri V. Fa-
miliarum , quarum prior *L. Mescinius* , posterior *Rufi* nomen in fronte
portat. Factus est hic *Mescinius* e gente plebea sub Augusto *Triumvir*
Monetalis : unde , sicut alia , ita & *Ludos* *seculares* sub eo factos , nu-
mis consignavit.

Quindecimviri autem Sacerorum faciundorum elogium hic signatum
Ursinus, cui nec *Patinus* dissentit, non ad *Mescinium*, sed ad ipsum
Augustum pertinere existimat: ut adeo recte omnino supra legeris. Præ-
terquam enim, quod etiam *Vielius* Imp. in numis suis nonnullis XV.
VIR. S. F. scribatur: Secularium insuper Ludorum cura ad Collegium
Sacerdotale Quindecimvirorum maxime pertinuit. Testis primus est *Ho-*
ratus, qui sic dicto a se *Carmine Seculari* hos Ludos expresse cantans,
Horat.
Carm. Se-
cul.
 alicubi ita habet:

Quæque Aventinum tenet, Algidumque,
 QVINDECIM Diana preces VIRORVM.
 Curet &c.

Luculentius vero id *Tacitus* confirmat, de Secularibus Claudii inquiens. *Tacit. An-*
iisdem Consulibus LVDI SECVLARES, Octingentesimo post Romam condi-
nam, Quarto & Sexagesimo (quam i. e. a. quo) Augustus condiderat spectati n. 4.
Sunt. Utriusque principis rationes prætermitto, satis narratas Libris, quibus
res Imp. Domitiani composui: nam is quoque edidit LV DOS SAECVLARES,
iusque intentius affui, sacerdotio QVINDECIMVIRALI prædictus, ac tum
Prætor. Quod non jaſtantia reſero: ſed quia COLLEGIO QVINDECIM-
VIRORVM ANTIQVITVS EA CVRA, & Magistratus potiſſimum exē-
quebantur officia cérimoniarum. Nihilo feciſ vero ex hiſ non ſtatiſ invi-
ete afferitur, Auguſtum in hoc numo Quindecimvirum appellari: cum Zo-
fimo teſte, e quo fere potiſſimum Ludorum Secularium ratio diſciſtur, p. 73.
juxta Quindecimviros etiam Princeps ipſe hoſtias immolaffe ſcribatur.

PVB. Facies utique more tuo, ut de *Secularium Ludorum origine*,
 ratione, ac modo me non omnino ignarum dimittas. TULL. Occur-
 rent infra alii adhuc numi, in horum Ludorum a *Domitiano*, *Severo*,
 & *Philippis* factorum memoriam cuiſi: quare nolim hic ample exſpatiari.
 Pauca accipe. *Seculares* dicebantur hi Ludi, non, quia anno centesimo
 ſemper fierent: agebantur enim jam Centesimo decimo anno, jam citius
 aliquando, jam ſerius, quandoque juxta *Suetonium* etiam intermiſſi.
 Sed quia eorum tantum ſervabatur intervallum, quantum hominis etiam
 proiecti ætas decurreret: quemadmodum, ubi dici oportet, noſtra
 ætate, ſive hominum memoria, dicimus frequenter, noſtro ſeculo. Hinc
 prævie miſi per totam Italiam præcones, hos Ludos indiſturi, invita-
 bant ad Festa, quæ nemo ſpectaſſet unquam nec ſpectaturus eſſet. Omnium
 primo

primo facti scribuntur a Publ. Valer. Publicola Primo consule post exactiones Reges An. Urb. Cond. CCCLII. Sibyllinis carminibus monentibus, quæ Zosimus ex græca retulit, & latine traduxit. Eorum initium est.

Ast ubi jam humanæ longissima tempora vitæ
Orbis, agens, annos referet centumque decemque:
Sis, ROMANE, memor (licet alta oblivia tentent)
Sis memor, ut, qua se nimium Tiberina coarctat
Ripa, feras DIIS in Campo SOLENNIA SACRA:

Expositis deinde Diis, quibus immolandum, & hostiis, ac ritibus, quibus in hæc Sacra utendum, hæc Clausula additur.

Quæ tibi si stabili sint omnia condita mente,
Cuncta tuo ITALIAE tellus, cunctique LATINI
Subdent colla jugo, & VICTORIS sceptræ timebunt.

XI.

Præcipue hi Ludi Apollinis atque Dianæ, seu quod idem erat, Solis ac Lunæ honorem spectabant, ob decursum tot annorum intervalum per Dierum Noctiumque jugem vicissitudinem. Quam ob rem Horatius mox initio Carminis sui Secularis cecinit. *PHOEBE* i. e. Apollo, sive Sol, *Sylvarumque potens DIANA*, seu Luna: quam deinde *Noctilucam*, sive nocte lucentem appellat. Sed & eandem ob causam, advertente Ill. Spanhemio, non pauci numi in memoriam secularium Ludorum cuius sunt, hinc cum capite Solis, inde cum signo Lunæ additis circa eam stellis: quos nonnulli viri docti non recte de Ludis Apollinariis interpretati sunt. Præterea vero aliis quoque Diis Deabusque, Superis & Inferis, piamina ac hostiæ fiebant, uti Jovi, Junoni, Latonæ, Parcis, Ilithyis, Cereri, Diti, ac Proserpinæ. Præcipue autem hymni, eam in rem compositi, Apollini semper ac Dianæ, Diei, Noctisque præsidibus cantati sunt: quemadmodum etiam in utriusque honorem Ludi ipse tribus diebus, tribusque noctibus agebantur. Prima die nocteque supplicabant viri: altera nobiles Matronæ: tertia Pueri, puellæque, patrimi, ac matrimi, i. e. quorum uterque parens adhuc superstes esset. Illuminabantur insuper theatra, omnisque generis Ludi instituti, universa omnis populi lætitia. Preces adhibitæ eo tendebant, ut Diis imperium suum, Populique Romani incolumitatem ordines omnes commendarent. *Augustum* vero peculiariter quod attinet, breviter *Suetonius*

*Spanhem.
Tom. II.
p. 127.*

ait.

ait. Nonnulla etiam ex antiquis cærimoniiis , paulatim abolita , restituit : ut Suctio in salutis Augurium , Diale Flaminium , sacrum Lupercale , LUDOS SAECV-^{Aug. c. 31.} LARES , & Compitalios . Ut vero Principis hujus curam pro honestate juvenum nosceremus , addidit . Lupercalibus (turpibus nimirum Ludis) vetuit currere imberbes . Item secularibus Ludis juvenes utriusque sexus prohibuit ullum nocturnum spectaculum frequentare , nisi cum aliquo majore natu propinquorum . Alibi vero ait : Claudium Imperatorem in historiis suis prodidisse , quod Augustus hos Ludos seculares , aliquamdiu intermissos , annorum ratione diligentissime subducta , in ordinem redegerit . PUB. Non te dimitterem hodie , nisi posteriores numi , qui Ludos denuo referent seculares , me de his ampliora a te auditurum pollicerentur .



DIALOGUS XVIII.

De

DECVRSIONE , & Certamine , ac Ludis QVIN-
QVENNALIBVS.

TULLIUS.

Prolixius vere , atque putabam , numis tamen sic exigentibus , nos I. occupat Gloriæ Augustorum Politicæ argumentum , coram te Tiro- ne cum fructu tractandum : apud quem supponere prope nihil , docere omnia oportet . Tres hodie , non plures , denuo numos Tab. V. inspiciamus : ut ne onerem te , nec mihi sim gravis . PUB. Primus apud Num. XI. me Æris magni in Adversa laureatum Neronis Caput ostentat , cum elo- giis : NERO CLAVDIVS CAESAR AVG. GERM.anicus. P.ont. M. Maxim. Cætera exesa . In Aversa idem laureatus , vultu tam parvulo , affabre tamen suam ad similitudinem facto , equitat cum hasta transversa , velut in scopum , aut hostem directa , comite altero , qui parvum defert vexil- lum equestre . Pone : S. C. infra : DECVRSIO . Quale hoc Ludi ge- nus ? TULL. Non tam Ludum peculiarem fuisse puta , quam in pluribus Ludis additam tum Exercitationem Equitum , tum spectantium voluptatem . Circensis alia fuit , alia Militaris , & Funebris alia Decurso ,

Pars II.

U

Prima